



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Onvphrii Panvinii Veronensis Fratris Eremitae
Augustiniani. De Praecipvis Urbis Romae
sanctioribusq[ue] basilicis, quas Septem ecclesias uulgo
uocant, Liber**

Panvinio, Onofrio

Romae, 1570

De porticu Lateranensi.

urn:nbn:de:hbz:466:1-11316

pontifex, in quibusdam præcipuis solennitatibus cū Cardinalibus comedere solebat, ut secūda & tertia feria Paschæ, & alijs quibusdam diebus. In ea quoque publici conuentus, siue conſistoria fieri solebant: nunc tectum & pauimentum dirutum est, supersuntque tantum altissimæ parietinæ, quibusdam pretiosi operis columnis ornatae.

De porticu Lateranensi.

Ante palatium Lateranense (cuius frons aliquādo totus opere arcuato aptus erat, hodie uero arcus oēs muro clausi sunt, præter arcū portæ palatii ueteris, quæ habet ualuas æreas, a Cælestino III. factas) est porticus antiqua uersus septentrionem locata, ad quam per gradus scalæ sanctæ aditus est: olim fuit tota & marmoreis tabulis incrustata, & uarijs e musiuo emblematis ornata, nunc ea diruta, omnia fere uetustate consumpta sunt. Initio porticus occidentem uersus in fine alterius porticus, quæ hospitale, & pulpitum Bonifacii VIII. respicit, est antiqua fabrica, siue uetus aula quadrata, quam ueterem basilicam fuisse opinor: nunc clusa, & pro domo in usu est. Prope est oratorium sancti Siluestri. Deinde porta, quæ respicit gradus scalæ, (quæ nunc Sanctā uocant) antiquitus uero patriarchij erat; cuius fores æneæ sunt a Cælestino III. factæ. Deinde est columella in duas partes diuisa cum proximo altari muro affixo. Postea a dextra sunt Portæ Lateranensis patriarchij interioris, post uestibulum ante oratoriū sancta sanctorum, quod oratoriū siue basilica S. Gregorij dicebatur, duobus altari-
bus uacuis, altero muro affixo prope fenestrā & cæcellos

182 ONVPHRIVS PANVIN.

oratorij sancti Laurentij, altero in eius medio. Postea est oratorium S. Laurentij, siue Sancta sanctorum, quod a multis & celeberrimis reliquijs ita appellatur. In fine vero porticus orientem versus prope magnā fenestrā, est aliare supra veterem basim cum hac inscriptione. CALLISTVS PAPA III AN. MCCCCLVII. Porticus ineptis quibusdā picturis exornata est. Super sunt etiam nunc tenuia quaedam vestigia veteris incrustaturæ e lapillis tessellatis.

De pulpito Bonifacij VIII. Papæ.

INter aulā (quā salam Concilij) uocant, & hęc quā supra descripsi porticum, est alia porticus oblonga, & de nouo restituta, qua ad palatium ex basilica Constantiniana & sala concilij iter est; in cuius fine occidentem versus est pulpitū marmoreum a Bonifacio VIII. factum, totum fere depictum, & emblematis ornatū. Pulpitum extra concilij aulam porrectum est, totum è lateribus & marmore factum. Picturæ pro temporum conditione elegantissimæ existimantur, Cimabouis egregij pictoris manu factæ, qui primus Italiæ picturā post antiquos restituit. In his pictus est Bonifacius VIII. populo ex eo mœniano benedicens, Constantini baptismus, & basilicæ Lateranensis exædificatio: multis in locis sunt familie Caietanæ, ex qua Bonifacius fuit, insignia, cum hoc elogio.

DOMINVS BONIFACIVS PAPA VIII.
FECIT TOTVM OPVS PRAESENTIS
THALAMI.

ANNO DOMINI MCCC.

Anle